

SIARAN MEDIA

21 OKTOBER 2016

**Suruhanjaya Tenaga**

(Energy Commission)

No. 12, Jalan Tun Hussein, Precinct 2,

62100 Putrajaya, Malaysia.

T: +603 8870 8500 F: +603 8888 8637

Toll Free : 1-800-2222-78

## **Mesyuarat Panel Perundingan Tenaga Negeri Sabah (PPTNS)**

### **Bil. 1/2016**

**Kota Kinabalu, 21 Oktober** – Suruhanjaya Tenaga (ST) semalam (20 Oktober 2016) mengadakan Mesyuarat Panel Perundingan Tenaga Negeri Sabah (PPTNS) Bil. 1/2016, di Kota Kinabalu, bagi membincangkan mengenai polisi, strategi dan hal-hal berkaitan tenaga khususnya bagi negeri Sabah.

Dalam mesyuarat ini, Sabah Electricity Sdn. Bhd. (SESB) telah membuat pembentangan mengenai *Progress of the Electricity Supply Improvement in Sabah*, manakala pihak Unit Perancangan Ekonomi (EPU) Sabah membentangkan mengenai *Overview of Sabah Development Plan Until 2030*.

Di samping itu, ST turut membentangkan mengenai *Large Scale Solar (LSS) Framework and Status Updates*, dan Sustainable Energy Development Authority (SEDA) pula membentangkan mengenai *Current Status of Renewable Energy in Sabah* dan *Net Energy Metering Scheme*.

Beberapa inisiatif kawal selia ke arah meningkatkan prestasi perkhidmatan pembekalan elektrik di Sabah telah dibentangkan meliputi:

- i. Penentuan tarif elektrik yang memberi penekanan kepada kecekapan operasi di bawah mekanisme *Incentive-Based Regulation (IBR)*
- ii. Pengenalan *Service Level Agreement* bagi loji-loji penjanaan SESB
- iii. Penentuan indikator prestasi teknikal SESB
- iv. Semakan semula kadar caj sambungan SESB

Mesyuarat PPTNS diadakan buat pertama kalinya pada 29 Oktober tahun lalu, dirasmikan oleh Datuk Seri Panglima Dr. Maximus Johnity Ongkili, Menteri Tenaga, Teknologi Hijau dan Air. Sebagai permulaan, sebanyak 22 organisasi telah dilantik sebagai ahli PPTNS, yang terdiri daripada sektor kerajaan, syarikat berkaitan kerajaan, pertubuhan professional, persatuan pengguna, industri, penjana bebas dan penjana daripada sumber tenaga boleh baharu (TBB).

**\*\*\*Tamat\*\*\***

*Untuk keterangan lanjut, sila hubungi:*

*Siti Suhaila Ahmad / Zairulliaty Mali*

*Unit Promosi & Komunikasi*

*Tel: +603 8870 8500 / +603 8870 8554 / +603 8870 8598 Fax: +603 8888 8636*

*Emel: [sitisuhaila@st.gov.my](mailto:sitisuhaila@st.gov.my) / [zairulliaty@st.gov.my](mailto:zairulliaty@st.gov.my)*

**Suruhanjaya Tenaga**

*(Energy Commission)*

No. 12, Jalan Tun Hussein, Precinct 2,  
62100 Putrajaya, Malaysia.

T: +603 8870 8500 F: +603 8888 8637

Toll Free : 1-800-2222-78

---

#### **MENGENAI SURUHANJAYA TENAGA**

Suruhanjaya Tenaga ditubuhkan di bawah Akta Suruhanjaya Tenaga 2001 pada 1 Mei 2001 dan beroperasi sepenuhnya pada 2 Januari 2002. Suruhanjaya Tenaga bertanggungjawab untuk mengawal selia aktiviti pembekalan tenaga, menguatkuasa undang-undang pembekalan tenaga dan menggalakkan pembangunan industri tenaga.